

A Orashonnan den tempunan difisil:

❖ **Elias: Orashon meimei di krisis.**

- Kon Dios ta kontestá nos orashonnan meimei di krisis?
 - (1) Despues di un simpel orashon for di Elias, Dios inmediatamente a respondé ku kandela (1 Reinan 18:36-38).
 - (2) Despues di shete orashon pidiendo pa awaseru, Dios a manda un nubia chikitu ku a kambia den un maltempu podeoso (1 Reinan 18:42-45).
 - (3) Ora ku Elias a pidi pa é muri, Dios a keda ketu, pero a manda Su angel pa aliment'é (1 Reinan 19:4-8).
 - (4) Deskurashá den un kueba, Elias finalmente a tende e bos di Dios kontestando su orashon desesperá (1 Reinan 19:9-18).
- Un kontesta tabata inmediato i milagroso. Un otro, despues di shete periodo di orashon, a manda e awaseru pidí. Finalmente, despues di 40 dia, un respuesta verbal i ku ta enkurashá. Dios sa kon i ki ora pa kontestá den kada un di nos situashonnan.

❖ **Ana: Un kontesta ku nunca ta bini.**

- Ana su orashon pa un yiu ta parse di ta un orashon kontestá rápidamente dor di Dios (despues di nuebe luna di sperando kontentu, naturalmente)) (1 Sam. 1:9-20).
- Sinembargo, ora ku nos lesa e vèrsnan previo, nos ta opservá ku e kontesta aki a tuma un tempu hopi largu pa yega (1 Sam. 1:1-8).
- Penina, Elkana su otro esposa, tabatin “ yiunan ”—esei ta, mas ku un yiu hòMBER — i “ aña tras aña ” é tabata iritá Ana pasombra Dios no a dun'é yiunan.
- For di e punto di bista aki, kuantu aña Ana a pasa pidiendo pa un yiu sin haña un kontesta?
- Algun bes, Dios Su silencio lo por ta debí na nos egoísmo (Santiago 4:3); un piká apresíá (Salmo 66:18); falta di fe (Santiago 1:6); òf , simplemente, no ta e tempu korekto.
- Den tur forma, Dios ta mira e potrèt komplemento i sabi loke ta mihó pa nos (Jeremias 29:11). Semper E lo kontestá, na Su propio tempu i na Su propio manera, e orashon ofresé ku fe (1 Juan 5:14-15).

B Orashonnan di modèl:

❖ **Hesus: E kontenido di orashon.**

- Hasiendo orashonnan largu i elaborá pa impreshoná i wòrdi alabá dor di skuchadónan no ta e estilo di orashon ku Hesus a siña nos (Mat. 6:5-8).
- Nos orashonnan mester ta sinsero i simpel, den idioma di tur dia. Orashon ta un parti vital di nos bida.

❖ **Daniel: E struktura di orashon.**

- E orashon registrá den Daniel 9:4-19 ta presentá nos ku e kuater partinan fundamental di orashon:
 - (1) Alabansa (Dan. 9:4)
 - (2) Konfeshon i pordon (Dan. 9:5-15)
 - (3) Petishonnan (Dan. 9:16-19)
 - (4) Gradisimentu (Phil. 4:6)
- Daniel a wòrdi interumpí dor di Gabriel promé ku é por a terminá su orashon (gradisimentu).
- E patronchi aki ta apliká na tantu nos orashonnan privá komo públiko. Opviamente, e sekshon riba “ konfeshon i pordon ” lo mester wòrdi adaptá na e koneksto di orashon.
- E struktura aki ta yuda nos pa enfoká orashon riba Dios, preveniendo esaki di bira un tipo di “ lista di kompras ” for di e depósito divino.

C Kuater pregunta tokante di orashon.

❖ **Pakiko nos mester resa si Dios ya kaba sa tur kos?**

- Orashon ta elevá nos na e trono di Dios i ta obligá nos pa eksaminá nos mes i pensa di nobo nos relashon kunE tur dia. Asta si nos no sa kiko pa bisa, e Spiritu Santu ta yuda nos (Rom. 8:26).

❖ **Pakiko hasi orashon ora ku tur kos ta bon?**

- Angelnan kende no a peka ta adorá Dios kontinuamente. Kuantu mas nos mester hasié? Pensando ku nos no tin mester di Dios pasombra tur kos ta baiendo bon pa nos ta ser orguyoso.

❖ **Ku ken mi mester hasi orashon?**

- Dependiendo riba e momentu: Den soledat. Esei ta ora ku nos orashon ta bira mas íntimo); Ku famia òf den gruponan chikitu; Den e iglesia.

❖ **Kon mi mester skucha?**

- E manera di mas kla i di mas seif pa hasi esaki ta pa kombiná orashon ku estudio di Beibel komo parti di nos devoshon personal, evitando di hasi nos mente bashí òf djies skuchando na nos mes.